



07. Maj 2019

UPA 2019/117
Aqqalu C.Jerimiassen

Meeqqat atuarfianni pisortat, ullumikkut piumasaqaataareersut saniatigut, pisortaasinnaanissaminnut atuarfinni pisortatut ilinniagaqarsimanissaannut piumasaqaateqarnissaq pillugu Naalakkersuisut siunnersuummik suliaqaqqullugit peqquneqarnissaannik siunnersuut. Piumasaqaat ilinniartitaanikkut aaqqissuusseqqinneq aallartinneqarsimasoq eqqarsaatigalugu meeqqat atuarfiat pillugu inatsisissatut siunnersuutissatut naatsorsuutigineqartumut kingusinnerpaamik ilanngunneqassaaq.

(Inatsisartunut ilaasortaq Sofia Geisler, Inuit Ataqatigiit)

Sulisitsisuussagaanni pingaaruteqartarpoq sulisut toqqissisimasumik sulinissaannik suliffiullu ulluinnarni ingerlanerata pitsaasuunissaanik.

Nunarpulli maanna ima angitigaaq inoqarfimmiik inoqarfimmut 10km missaannaanilluunniit ungasissuseqaraluarpata pissutsit assigiinngilluinnarsinnaallutik, tassanilu soorlu assersuutigeriaraanni Ilulissaniik Oqaatsunut, umiatsiamik upernarluarnerani 15min ornitassaasarpog nuisaannarlunilu illoqarfimmit. Imaanngilarli taama qanitsigigami atukkat assigeqqissaartut, meeqqat atuarfiinni, pisiniarfinni allarpannguanilu pissutsit allaqqinnaajupput.

Ilinniartitsisortatta meeqquerisortattalu atugaat eqqartulersillugit eqqarsaqqajaanalaartuaannartarpoq, meerartatsinnummi perorsaasuummata allanngoriaatissanik qaqtissatilluta artukkerneqaqqinngilluinnarnissaat.

Maannali uani atuarfiit pisortaasa pisortatut ilinniarsimasalernissaanik siunnersuuteqarneq Atassummiik nalilersorluarumavarput, tassami ilinniartitsisussaaleqisartilluta inoqarfinni isorliunerusutut taasakkatsinni qanoq piviusorsiorutigissanersoq pisortatut ilinniarsimanissaq nalilersorluaqqaartariaqarmat, illoqarfinni annerni ajornartorsiutaangaarnissaa ilimananngikkaluartoq nunarpulli tamaat ataatsiminut isigineqartariaqarmat.

Maannali Pisortatut Ilisimatusarfik ingerlareerpoq nunatsinni, saniatigullu sinerissami namminersortunik pikkorissaasartorpassuarnik peqarpoq, soorlulu siornatigut qaqinneqartumi imm.155-imi taagiga naak sullissinermut pikkorissarnerugaluartoq assersuutigisara Inussuk Consultimit ingerlanneqartoq qanoq siuariaataasimatiginera.

Inoqarfinni minnerusuni atuarfiit pisortaasa naleqqunnerusumik allatut aaqqissuusiffigineqarsinnaanissaat takorluugaasinnaavoq nutaaq, tassami taariikkakka sinerissatsinni pikkorissaasartutut ingerlasut namminersortut nunaqavissut atorluarneqartuarsinnaaneri meeqqat atuartut atuanngiffeqarnerisaluunnit nalaani ingerlanneqartarsinnaammat atuarfimmi sulisut sinneri peqatigalugit, tamatumuunakkullu suleqatigiinnermi ataatsimuussuseq pilersinneqarsinnaammattaq ilinniartitsisuugaluaaraanni,



pedeliugaanni, asaasuugaanni allaffimmiugaanniluunniit. Tassuunakkut isuma pilersinneqarsinnaavortaaq meeqqat atuarfiini pisortaq tassaasariaqanngitsoq ilinniartitsisutut ilinniarsimasoq, aammattaarlu eqqarsaasersuutigineqarsinnaagaluartat inuk sulisitsinermik inulerinermillu misilittagaqarluartoq inoqarfinni minnerusuni isorliunerusunilluunniit taasakkatsinni atorluarneqarsinnaagaluartat.

Taamatut Atassummiit oqaaseqarluta siunnersuut itigartitsissutigineqarnissaa innersuupparput.